

1. **Ministarstvo finansija Kantona Sarajevo, kojeg zastupa Ministar finansija Amel Kovačević, ul. Maršala Tita 62., 71000 Sarajevo, ID broj:4200666010004, Depozitni račun: 338-000-22100192-63 kod UniCredit Bank dd Sarajevo, telefon 033/565-005 (u daljem tekstu: Naručilac usluga)**

i

2. **DUHANPROMET d.o.o. Sarajevo, ul. Radenka Abazovića br. 1, Sarajevo, zastupan po Direktorici Amili Avdagić, ID broj:4200342970005, PDV broj: 200342970005, račun:3389002206583752 kod UniCredit Bank d.d. Sarajevo, u (daljem tekstu: Pružalac usluga)**

## **Zaključuju**

### ***UGOVOR O PRUŽANJU USLUGA VRŠENJA PRODAJE 120000 (STODVADESETHILJADA) KOMADA ADMINISTRATIVNIH TAKSENIH MARAKA U APOENIMA OD 1KM, 2 KM, 5 KM I 10 KM***

## **I UVOD**

### **Član 1.**

Na osnovu provedenog postupka direktnog sporazuma, Naručilac usluga je nakon ispitivanja tržišta prihvatio cijenu ponuđača „Duhanpromet d.o.o. Sarajevo“ za usluge za prodaju 120000 (stodvadesethiljada) komada administrativnih taksenih maraka u apoenima od 1 KM, 2 KM, 5 KM i 10 KM u 2019. godini, u Ministarstvu unutrašnjih poslova Kantona Sarajevo (unutar zgrade PU Centar i unutar zgrade PU Novo Sarajevo ili u blizini istih) i u dva (2) objekta JP BH POŠTA u kojima se nalaze lokacije za izdavanje ličnih dokumenata sektora za administraciju PU Novi Grad Sarajevo i PU Stari Grad Sarajevo (unutar zgrade JP BH POŠTA na adresi u Ul. Trg ZAVNOBIH-a broj 17 i unutar zgrade JP BH POŠTA na adresi u Ul. Mula Mustafe Bašeskije b.b. ili u blizini istih), za potrebe Ministarstva finansija Kantona Sarajevo i odlučio da sa istim ponuđačem „Duhanpromet d.o.o. Sarajevo“ zaključi ovaj ugovor, obzirom da je vrijednost predmetne nabavke viša od 1.000,00 KM.

Ovaj ugovor zaključuje se na osnovu provedenog postupka direktnog sporazuma i Odluke Ministra finansija Kantona Sarajevo, broj: JN-OI-08-01-14-16151-4/18 od 03.04.2018. godine.

## Član 2.

Rok trajanja ovog ugovora je jedna godina od dana potpisivanja ovog ugovora.

## I PREDMET UGOVORA

### Član 3.

Predmet ovog ugovora je pružanje usluga prodaje 180000 (stoosamdesethiljada) komada administrativnih taksenih maraka u apoenima od 1 KM, 2 KM, 5 KM i 10 KM iskazanih u novcu u ukupnom iznosu 744.300,00 KM (sedamstotinačetrdesetčetirihiljadetrstotine KM), u Ministarstvu unutrašnjih poslova Kantona Sarajevo (unutar zgrade PU Centar i unutar zgrade PU Novo Sarajevo ili u blizini istih) i u dva (2) objekta JP BH POŠTA u kojima se nalaze lokacije za izdavanje ličnih dokumenata sektora za administraciju PU Novi Grad Sarajevo i PU Stari Grad Sarajevo (unutar zgrade JP BH POŠTA na adresi u Ul. Trg ZAVNOBIH-a broj 17 i unutar zgrade JP BH POŠTA na adresi u Ul. Mula Mustafe Bašeskije b.b. ili u blizini istih).

### Član 4.

Na osnovu ovog ugovora Naručilac usluga će, u šest (6) jednakih vremenskih intervala na osnovu priloženog dokaza (uplatnice) o izvršenoj akontativnoj uplati sredstava za preuzimanje administrativnih taksenih maraka i na osnovu izvršene provjere o uplati u evidenciji Ministarstva finansija Kantona Sarajevo (RAS-a), Pružaocu usluga izdati administrativne taksene marke u protuvrijednosti uplaćenog iznosa, i to na način:

- da će u roku od 5 dana od dana potpisivanja ovog ugovora, na zahtjev Pružaoca usluga i priloženog dokaza (uplatnice) o izvršenoj akontativnoj uplati sredstava za preuzimanje 30000 (tridesethiljada) komada administrativnih taksenih maraka: 50 (pedeset) komada administrativnih taksenih maraka u apoenu od 10 KM u vrijednosti 500,00 KM (petstotina KM), 21250 (dvadesetjednuhiljaduidvijestotinepedeset) komada administrativnih taksenih maraka u apoenu od 5 KM u vrijednosti 106.250,00 KM (stošesthiljadadvijestotinepedeset KM), 8600 (osamhiljadašeststotina) komada administrativnih taksenih maraka u apoenu od 2 KM u vrijednosti 17.200,00 KM (sedamnaesthiljadadvijestotine KM), 100 (stotinu) komada administrativnih taksenih maraka u apoenu od 1 KM u vrijednosti 100,00 KM (stotinu KM) i na osnovu izvršene provjere o uplati u evidenciji Ministarstva finansija Kantona Sarajevo (RAS-a), Pružaocu usluga izdati administrativne taksene marke u protuvrijednosti uplaćenog iznosa taksene marke navedene u zahtjevu i da će u slijedećih pet (5) navrata – 5 puta, svaka dva mjeseca do isteka roka ovog ugovora za preuzimanje preostalih 150000 (stopedesethiljada) komada administrativnih taksenih maraka na svaki od navedenih 5 zahtjeva Pružaoca usluga i priloženog dokaza (uplatnice) o izvršenoj akontativnoj uplati sredstava za preuzimanje po 30000 (tridesethiljada) komada administrativnih taksenih maraka: 50 (pedeset) komada administrativnih taksenih maraka u apoenu od 10 KM u vrijednosti 500,00 KM (petstotina KM), 21250

taksenih maraka u apoeni od 5 KM u vrijednosti 83.500,00 KM (osamdesettrihiljadepetstotina KM), 3150 (trihiljadestopedeset) komada administrativnih taksenih maraka u apoeni od 2 KM u vrijednosti 6.300,00 KM (šesthiljadatristotine KM), 100 (stotinu) komada administrativnih taksenih maraka u apoeni od 1 KM u vrijednosti 100,00 KM (stotinu KM) i na osnovu izvršene provjere o uplati u evidenciji Ministarstva finansija Kantona Sarajevo (RAS-a), Pružaocu usluga svaki put izdati administrativne taksene marke u protuvrijednosti uplaćenog iznosa taksene marke navedene u zahtjevu.

### **III CIJENA**

#### **Član 5.**

Ukupna cijena predmetnih usluga je fiksna i iznosi: 2.393,16 (slovima:dvijehiljadetristotinedevadesettri 16/100 KM), bez PDV-a, a sa obračunatim PDV-om 2.800,00 KM, (slovima:dvijehiljadeosamstotina KM).

### **IV NAČIN PLAĆANJA CIJENE**

#### **Član 6.**

Plaćanje cijene će se izvršiti na slijedeći način:

Naručilac usluga se obavezuje da Pružaocu usluga za usluge iz člana 1. ovog ugovora plati cijenu iz člana 3. ovog ugovora podjeljenu u šest (6) jednakih rata po ispostavljenim fakturama u iznosu od po 398,86 KM (tristotinedevadesetosam 86/100 KM) bez PDV-a a sa obračunatim PDV-om u iznosu od po 466,67 KM (četiristotinešezdesetšest 67/100 KM), nakon što Naručilac usluga u prilogu svakog od šest (6) zahtjeva dostavi fakturu u navedenom iznosu, i to na žiro račun Pružaoca usluga, broj: 3389002206583752 kod UniCredit Bank d.d. Sarajevo, ID broj: 4200342970005.

### **V OBAVEZE UGOVORNIH STRANA**

#### **Član 7.**

**Pružalac usluga** je obavezan:

- Pružalac usluga se obavezuje da će u ime i za račun Naručioca usluga, vršiti prodaju administrativnih taksenih maraka u apoenima od 1 KM, 2 KM, 5 KM i 10 KM, prema ovom ugovoru, stručno i kvalitetno, saglasno važećoj zakonskoj regulativi, pravilima i standardima struke koja su na snazi danom zaključenja ovog ugovora,
- Pružalac usluga je dužan da prije preuzimanja administrativnih taksenih maraka (administrativne taksene marke u apoenima od 1 KM, 2 KM, 5 KM i 10 KM) od Ministarstva finansija Kantona Sarajevo-Komisije za poslove izrade i distribucije taksenih maraka, akontativno uplati sredstava za preuzimanje administrativnih taksenih maraka koja će uplaćivati sukcesivno u dva navrata u toku jednog vremenskog intervala od jednog mjeseca na depozitni računa Kantona Sarajevo, broj 3380002210019263, otvoren kod banke UniCredit Bank d.d. Mostar, na vrstu prihoda 722121, općina 077.

**Naručila usluga je obavezan:**

- Naručilac usluga, odnosno Komisija za poslove oko izrade i distribucije taksenih maraka Ministarstva finansija Kantona Sarajevo je dužan/na da na zahtjev Pružaoca usluga, priloženog dokaza (uplatnice) o izvršenoj akontativnoj uplati sredstava za preuzimanje administrativnih taksenih maraka, koja će uplaćivati sukcesivno u dva navrata u toku jednog vremenskog intervala od jednog mjeseca, i na osnovu izvršene provjere o uplati u evidenciji Ministarstva finansija Kantona Sarajevo (RAS-a), Pružaocu usluga izda administrativne taksene marke u protuvrijednosti uplaćenog iznosa.
- da Pružaocu usluga za usluge iz člana 1. ovog ugovora plati cijenu iz člana 3. ovog ugovora podijelenu u šest (6) jednakih rata po ispostavljenim fakturama u iznosu od po 398,86 KM (tristotinedevedesetosam 86/100 KM) bez PDV-a a sa obračunatim PDV-om u iznosu od po 466,67 KM (četiristotinešezdesetšest 67/100 KM), nakon što Naručilac usluga u prilogu svakog od šest (6) zahtjeva dostavi fakturu, i to na žiro račun Pružaoca usluga, broj: 3389002206583752 kod UniCredit Bank d.d. Sarajevo, ID broj: 4200342970005.

Cijena koju je Pružalac usluga ponudio u svojoj Ponudi/Predračunu broj: 011/19 od 07.02.2019. godine– protokolisanoj na Protokolu Kantona Sarajevo pod brojem: 08-14-2881/19 od 07.02.2019. godine, koja je sastavni dio ovog ugovora, je ista i ne može se mijenjati u toku trajanja ovog ugovora.

## ***V OSTALE ODREDBE***

### **Član 8.**

U slučaju propusta Pružaoca usluga u izvršavanju ovog ugovora, Naručilac usluga može uz dostavljanje Pružaocu usluga pismene obavijesti o neizvršavanju ovog ugovora prekinuti ugovorni odnos, nastao zaključivanjem ovog ugovora, u cjelini ili u njegovom dijelu, ako Pružalac usluga ne ispravi svoj propust u roku od sedam dana nakon prijema obavijesti o propustu u izvršavanju ovog ugovora.

### **Član 9.**

Rok trajanja ovog ugovora utvrđuje se na period od jedne (1) godine od potpisivanja ovog ugovora.

### **Član 10.**

Sve eventualne sporove, strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

### **Član 11.**

Ovaj ugovor stupa na snagu danom obostranog potpisa obiju strana po ovlaštenim licima.

## Član 12.

Sastavni dio ovog ugovora čini:

1. Predračun sa cijenom iz Ponude Pružaoca usluga „Duhanpromet d.o.o. Sarajevo“, broj: 010/18 od 26.01.2018. godine – protokolisanoj na Protokolu Kantona Sarajevo pod brojem:08-14-16664/18 od 02.04.2018. godine.

## Član 13.

Ovaj ugovor je sačinjen u 4 (četiri) jednakih primjeraka od kojih Naručilac usluga zadržava 2 (dva), a 2 (dva) primjerka se uručuju Pružaocu usluga.

**Za Pružaoca usluga:**

**DIREKTORICA**

---

Amila Avdagić

Broj: 1596/18

Sarajevo,05.04.2018.

**Za Naručioca usluga:**

**MINISTAR FINANSIJA**

---

Prof. dr. Jasmin Halebić

Broj: 08-01-14-16151/18

Sarajevo,04 .04.2018.